


4665

ZAVOD ZDRAVSTVENOG OSIGURANJA  
KANTONA SARAJEVO  
Ložionička br.2, Sarajevo  
Tel. +387 33 72 52 00  
Fax +387 33 52 42 61  
e-mail: info@kzzosa.ba



INSTITUTE FOR HEALTH INSURANCE  
CANTON SARAJEVO  
Ložionička br.2, Sarajevo  
Tel. +387 33 72 52 00  
Fax +387 33 52 42 61  
e-mail: info@kzzosa.ba

Broj:01-33-5-16467-1/20  
Sarajevo, 17.12.2020. godine



SKUPŠTINA KANTONA SARAJEVO  
REISA DŽEMALUDINA ČAUŠEVIĆA 1  
71000 SARAJEVO  
N/R ELVEDIN OKERIĆ, PREDSDJEDAVAJUĆI SKUPŠTINE

Predmet: Realizacija Zaključka Skupštine Kantona Sarajevo broj 01-04-43301-1/20 od 03.11.2020. godine

Skupština Kantona Sarajevo na 30. Radnoj sjednici održanoj 03.11.2020. godine u okviru razmatranja informacije o aktuelnoj epidemiološkoj situaciji u Kantonu Sarajevo, a na prijedlog zastupnice Segmedine Srne Bajramović, donijela je zaključke broj 01-04-43301-1/20, za čiju realizaciju je zadužen Zavod zdravstvenog osiguranja Kantona Sarajevo. S tim u vezi dostavljamo slijedeće:

Zaključak 1. U okviru zaključka broj 1 Zavod zdravstvenog osiguranja Kantona Sarajevo se obavezuje sa izvrši kontrolu izvršenja svih obaveza koje je Klinički centar Univerziteta preuzeo ugovorom o pružanju zdravstvene zaštite.

U cilju praćenja rada i poslovanja Kliničkog centra Univerziteta u Sarajevu, ugovorom je definisana obaveza ustanove da Zavodu dostavlja periodične izvještaje o svom radu i poslovanju. U tu svrhu Zavodu su dostavljeni Izvještaj o radu i poslovanju Kliničkog centra Univerziteta u Sarajevu za period I-VI 2020. godine i Informacija o poslovanju za period 01.01.30.09.2020. godine sa OZU obrascima.

Informaciju o osnovnim pokazateljima rada i poslovanja javnih zdravstvenih ustanova za period januar – septembar 2020. godine razmatrao je Upravni odbor Zavoda na sjednici održanoj 04.12.2020. godine.

U okviru redovnih aktivnosti ljekara kontrolora Zavoda, vrše se kontrole medicinske dokumentacije koju su izdali ljekari Kliničkog centra Univerziteta u Sarajevu, a na osnovu koje osigurana lica ostvaruju pravo na korištenje medicinskih sredstava, pravo na liječenje van kantona, lijekove koji nisu dio Liste i sl. Takođe predmet redovnih kontrola je i medicinska dokumentacija po osnovu kojih se osiguranim licima odobrava korištenje usluga medicinske rehabilitacije. Predmet kontrole je i propisivanje lijekova od strane ovlaštenih ljekara Kliničkog centra Univerziteta u Sarajevu u okviru posebnih programa za specifična oboljenja. Osim navedenih redovnih kontrola medicinske dokumentacije dostavljene u Zavod, kontrolori Zavoda nisu imali neposrednih kontrola u bolničkim zdravstvenim ustanovama.

Na osnovu analize izvještaja o radu ustanove za 01.01.-30.09.2020 godine konstatuje se slijedeće:

Na dan 30.09. 2020. godine ustanova je raspolagala sa 1524 bolničkih kreveta, što je 44 kreveta više u odnosu na isti period prethodne godine.

Ukupan broj zaposlenih na dan 30.09.2020. godine bio je 3.317 što je 31 radnik više u odnosu na dan 30.09.2019. godine,

Ukupan broj ispisanih bolesnika za prvih devet mjeseci iznosio je 25.554 što je 8208 bolesnika manje u odnosu na isti period prethodne godine. Ustanova je ostvarila ukupno 175.379 BO dana ili 57.493 BO dana manje u odnosu na isti period prethodne godine. U izvještajnom

periodu uradjena su i 13.304 operativna zahvata od čega 3.783 ambulantnih operativnih zahvata. U odnosu na isti period prethodne godine ukupan broj operativnih zahvata manji je za 4.672. Prema informaciji zdravstvene ustanove prosječno dnevno se kroz trijažne šatore primi 2400 pacijenata, pruži 17.000 dijagnostičkih procedura i zbrinjava preko 200 Covid pacijenata.

Osim toga u izvještajnom periodu ustanova je pružila:

- 202.038 amulanantnih pregleda
- 46.810 konzilijarnih pregleda
- 187.318 ambulantno dijagnostičkih procedura
- 293.034 ostale ambulantne usluge
- 9.897 anestezija
- 16.196 anesteziloško- reanimatoloških intervencija
- 29.969 peritonealnih dijaliza
- 138.923 fizikalnih terapija
- 1.842.785 laboratorijskih analiza
- 176.801 mikrobioloških analiza
- 151.597 radioloških pretraga
- 85.479 radioterapija (seanse)

Usluge vertikalnog programa:

- 36.332 usluge hemodijalize
- 9.957 usluga radioterapije
- 6.738 programa novorođenačkog skrininga
- 1.657 programa prevencije HIV/AIDS
- 1.137 usluga kardiologije
- 227 usluga kardiohirurgije
- 251 usluga neurohirurgije

Prema dostavljenim podacima u periodu januar-sptembar 2020. godine ustanova je ostvarila ukupne prihode u iznosu od 183.300.000 KM, što je na nivou prihoda prethodne godine, a 71% planiranih prihoda za 2020. godinu. U strukturi prihoda najveće učešće imaju prihodi od Zavoda zdravstvenog osiguranja Kantona Sarajevo koji su ostvareni u iznosu od 110.881.000 KM. Prihodi izvan obaveznog zdravstvenog osiguranja iskazani su u iznosu od 8.772.000 KM, što čini 5% ukupno ostvarenih prihoda i u odnosu na isti period 2019. godine imali su rast od 18%. Najveće učešće u ovim приходima imaju donacije koje su iskazane u iznosu od 4.352.000 KM sa rastom od 49%.

U izvještajnom periodu ustanova je izvršila ukupne rashode u iznosu od 173.184.000 KM što je na nivou rashoda prethodne godine, a 68% planiranih rashoda za 2020. godinu.

Klinički centar Univerziteta u Sarajevu je u periodu 01.01.do 30.09.2020. godine procijenjuje pozitivan finansijski rezultat odnosno višak prihoda nad rashodima (dobit) u iznosu od 10.116.000 KM, što je 2% više u odnosu na isti period prošle godine. Prema informaciji zdravstvene ustanove, proglašenje pandemije Coronavirus i uspostava novog režima rada ustanove prema preporukama kriznih štabova dovela je u prvih devet mjeseci do reduciranja redovnih zdravstvenih programa (cca 24%), te do manjeg izvršenja planiranih troškova (materijalnih i bruto plaća i nakanda) zbog nemogućnosti provođenja planiranih prijema kadra i provođenja konkursa za specijalizacije kao i otežane nabavke neophodnih sredstava za rad KCUS (dugotrajne procedure u skaldu sa ZJN i otežano funkcionisanje tržišta u uslovima pandemije) što su i osnovni razlozi za iskazani finansijski rezultat.

Zaključak 2: Obavezuje se Zavod da utvrdi da li je Klinički centar Univerziteta u Sarajevu izvršavao u 2020. godini sve obaveze pružanja zdravstvenih usluga osiguranim licima Zavoda, te izvrši korekciju utvrđene naknade ukoliko je potrebno.

Činjenica je da su zbog proglašenja pandemije Coronavirusa zdravstvene ustanove, u cilju sprčavanja širenja zaraze virusom SARS-Cov2, po preporukama kriznih štabova,

uspostavile novi režim rada i organizovale prijeme smo pacijenta kod kojih se pružanje zdravstvene usluge nije moglo odgoditi, a Naredbom kriznog stožera Federalnog ministarstva zdravstva broj 01-33-5991/20 od 25.10.2020. godine pod tačkom 5 decidno je i naloženo kriznim stožerima kantonalnih ministarstava zdravstva da u svim zdravstvenim ustanovama, te u kliničkim centrima u FBiH obustave sve hladne programe, uz obavezno primanje samo hitnih slučajeva. Obustavljeni su i svi redovni specijalističko konsultativni pregledi u zdravstvenim ustanovama, sa izuzetkom onih, za koje se po procjeni ljekara specijaliste, utvrdi da su neodloživi i hitni. Ova činjenica svakako je uticala na broj i strukturu pruženih usluga u odnosu na redovni rad ustanove u prethodnom periodu.

Odredbama člana 7. Ugovora o pružanju zdravstvene zaštite regulisano je da će, u slučaju da zdravstvena ustanova ne izvršava ugovorom preuzetu obavezu pružanja zdravstvenih usluga, Zavod izvršiti korekcije utvrđene naknade za iznos sredstava refundiranih osiguranim licima odnosno za iznos sredstava plaćen drugoj zdravstvenoj ustanovi, koja je uslugu pružila. Za plaćeni iznos po ovom osnovu umanjuje se ugovorena naknada zdravstvenoj ustanovi. Naknada Kliničkog centra Univerziteta u Sarajevu po osnovu različitih laboratorijskih, dijagnostičkih, hirurških i dr. usluga koje osiguranim licima nisu pružene u Kliničkom centru Univerziteta u Sarajevu umanjena je za 101.395,87 KM. U postojećem modelu ugovaranja nisu definisani drugi kriteriji temeljem kojih bi se moglo izvršiti umanjene ugovorene naknade.

Zavod zdravstvenog osiguranja Kantona Sarajevo je u više navrata svojim aktima upućenim prema Ministarstvu zdravstva Kantona Sarajevo, Vladi i Skupštini Kantona Sarajevo inicirao donošenje kantonalnog propisa kojim bi se regulisali osnovi, kriteriji i mjerila ugovaranja zdravstvene zaštite u skladu sa članom 38. Zakona o zdravstvenom osiguranju koji propisuje da osnove, kriterije i mjerila za zaključenje ugovora utvrđuje vlada kantona na prijedlog kantonalnog ministra zdravstva. Rješavanje ovog pitanja smatramo jednim od ključnih u okviru neophodnih reformskih procesa u zdravstvenom sistemu.

Zaključak 3: „Obavezuje se Ured za borbu protiv korupcije i upravljanje kvalitetom da u okviru svojih nadležnosti utvrdi zakonitost postupanja Zavoda zdravstvenog osiguranja i Kliničkog centra Univerziteta u Sarajevu po pitanju pružanja zdravstvenih usluga osiguranim licima Zavoda i namjensku dodijelu kao i trošenje sredstava predviđenih za te svrhe“.

U svrhu provođenja predmetnog zaključka Zavod je svojim dopisom broj 01-33-5-16600/-I/20 na zahtjev Ureda za borbu protiv korupcije i upravljanja kvalitetom dostavio traženu dokumentaciju sa kojom Zavod raspolaže.

S poštovanjem,

Dostaviti:

1. Naslovu
2. Služba za plan i ugovoranje
3. a/a





ZAVOD ZDRAVSTVENOG OSIGURANJA  
KANTONA SARAJEVO  
Ložionička br.2, Sarajevo  
Tel. +387 33 72 52 00  
Fax +387 33 72 52 52  
e-mail: info@kzzosa.ba



INSTITUTE FOR HEALTH INSURANCE  
CANTON SARAJEVO  
Ložionička br.2, Sarajevo  
Tel. +387 33 72 52 00  
Fax +387 33 72 52 52  
e-mail: info@kzzosa.ba

Broj:01-33-5-16600/-I/20  
Sarajevo, 07.12.2020. godine

**KANTON SARAJEVO**

KANTON SARAJEVO  
**Ured za borbu protiv korupcije i upravljanje kvalitetom**  
n/r Erduan Kafedžić, šef Ureda

10-12-2020

Veza: Vaš akt broj: 20-04-391-1132/20 od 09.11.2020. godine

Erduan D.

11.12.2020.

**Predmet:** Dostava dokumentacije po zahtjevu

Vašim dopisom broj: 20-04-391-1132/20 od 09.11.2020. godine tražili ste dostavu dokumentacije i podataka koji su Vam potrebni za provođenje aktivnosti u vezi sa Zaključkom Skupštine Kantona Sarajevo broj 01-04-43301-1/20 od 03.11.2020. godine kojim se Ured obavezuje da u okviru svojih nadležnosti utvrdi zakonitost posupanja Zavoda zdravstvenog osiguranja Kantona Sarajevo i Kliničkog centra Univerziteta u Sarajevu po pitanju pružanja zdravstvenih usluga osiguranim licima Zavoda i namjensku dodjelu i trošenje sredstava predviđenih za te svrhe.

U skladu sa Vašim zahtjevom dostavljamo kopije slijedećih akta:

1. Statut Zavoda zdravstvenog osiguranja Kantona Sarajevo
2. Finansijski plan Zavoda zdravstvenog osiguranja Kantona Sarajevo za 2020. godinu
3. Izmjene i dopune Finansijskog plana Zavoda zdravstvenog osiguranja Kantona Sarajevo za 2020. godinu
4. Odluku o izvršavanju Finansijskog plana Zavoda zdravstvenog osiguranja Kantona Sarajevo za 2020. godinu
5. Odluku o izmjeni i dopuni Odluke o izvršavanju Finansijskog plana Zavoda zdravstvenog osiguranja Kantona za 2020. godinu
6. Ugovor o pružanju zdravstvene zaštite zaključen za 2020. godinu sa Kliničkim centrom Univerziteta u Sarajevu i anex br 1. ugovora
7. Tabela prikaz podataka o svim iznosima novčanih sredstava dodijeljenih Kliničkom centru Univerziteta u Sarajevu tokom 2020. godine

Rješenje nadležnog ministarstva o ispunjavanju propisanih uvjeta prostora, opreme i kadra za obavljanje zdravstvene djelatnosti za Klinički centar Univerziteta u Sarajevu i rješenje nadležnog suda da je Klinički centar Univerziteta u Sarajevu registrovan za obavljanje zdravstvene djelatnosti, nismo u mogućnosti dostaviti, jer sa istim Zavod ne raspolaže.

U svrhu praćenja rada i poslovanja Kliničkog centra Univerziteta u Sarajevu, ugovorom je definisana obaveza ustanove da je dužna Zavodu dostavljati periodične izvještaje o svom radu i poslovanju. U tu svrhu dostavljeni su nam Izvještaj o radu i poslovanju Kliničkog centra Univerziteta u Sarajevu za period I-VI 2020. godine i Izvještaj dostavljen na OZU obrascima za period I-IX 2020. godine, koje Vam u prilogu dostavljamo.

Zavod u svakodnevnom poslovanju, a temeljem zaključenih ugovora sa zdravstvenim ustanovama, po različitim segmentima ugovora vrši kontrole.

Sredstva namjenski odobrena zdravstvenoj ustanovi kao što su nabavka potrošnog materijala za PET CT zdravstvena ustanova je dužna opravdati relevantnom dokumentacijom. U prilogu dostavljamo kopiju jednog od zahtjeva Kliničkog centra Univerziteta u Sarajevu sa fakturama kojim se pravda utrošak doznačenih sredstava.

Zavod posebno prati i utrošak sredstava doznačenih po osnovu participacije, a kao dokaz u prilogu dostavljamo jedan od zahtjeva Kliničkog centra Univerziteta u Sarajevu sa Izvještajem o naplaćenim sredstvima participacije.

Jedan od načina praćenja rada ustanove ogleda se i u odredbama člana 7. Ugovora kojim je regulisano da će, ukoliko zdravstvena ustanova ne izvršava ugovorom preuzetu obavezu pružanja zdravstvenih usluga, Zavod izvršiti korekcije utvrđene naknade za iznos sredstava refundiranih osiguranim licima po predmetnom osnovu odnosno za iznos sredstava plaćen drugoj zdravstvenoj ustanovi, koja je uslugu pružila. Za iznos refundiranih sredstava osiguranicima kojima usluga nije pružena u Kliničkom centru Univerziteta u Sarajevu umanjuje se ugovorena nakanda. Za period januar – oktobar 2020. godine naknada Kliničkog centra Univerziteta u Sarajevu umanjena je po ovom osnovu u iznosu od 80.354,26 KM.

Takođe, u okviru redovnih aktivnosti ljekara kontrolora Zavoda, vrše se kontrole medicinske dokumentacije koju su izdali ljekari Kliničkog centra Univerziteta u Sarajevu, a na osnovu koje osigurana lica ostvaruju pravo na korištenje medicinskih sredstava, pravo na liječenje van kantona, lijekove koji nisu dio Liste i sl. Pored navedenog, predmet redovnih kontrola je i dokumentacija po osnovu koje se osiguranim licima odobrava korištenje usluga medicinske rehabilitacije. Predmet kontrole je i propisivanje lijekova od strane ovlaštenih ljekara Kliničkog centra Univerziteta u Sarajevu u okviru posebnih programa za specifična oboljenja. Osim navedenih redovnih kontrola medicinske dokumentacije dostavljene u Zavod, kontrolori Zavoda nisu imali neposrednih kontrola u bolničkim zdravstvenim ustanovama.

Utvrđivanja i planiranje naknade za pružanje zdravstvene zaštite u ugovornim zdravstvenim ustanovama vrši se u skladu sa kriterijima obračuna utvrđenim u članu 4. Finansijskog plana Zavoda zdravstvenog osiguranja Kantona Sarajevo.

Način realizacije naknade za pružanje zdravstvene zaštite regulisan je članom 14. Odluke o izvršavanju Finansijskog plana Zavoda zdravstvenog osiguranja Kantona Sarajevo, kojim se između ostalog definiše da se finansiranje javnih zdravstvenih ustanova vrši doznakom, u pravilu, 1/12 odobrenog godišnjeg budžeta za finansiranje naknade za pružanje usluga zdravstvene zaštite osiguranicima Kantona Sarajevo koja je utvrđena na bazi definisanih kriterija obračuna vrijednosti rada i materijalnih troškova. Izuzetak su pozicije koje se doznačavaju jednokratno (npr naknada za regres) ili imaju drugačiju dinamiku izvršavanja (npr nakande za otpremnine i pomoći, fakture za medicinska sredstva), sredstva za prijem novih radnika po dobijenim saglasnostima, koja se realizuju od zaključenja ugovora o radu ili sredstva koja se doznačavaju po zahtjevu (npr. finansiranje potrošnog materijala za PET CT).

S poštovanjem,

D

Sakib Katana, dipl.oec.

Dostaviti:

1. Naslovu
2. Služba za plan i ugovoranje
3. a/a

